



05-03/10.05.19. GA

Broj: 01-34-7681-2/19
Zenica, dana 10.05.2019. godine

SKUPŠTINA
ZENIČKO - DOBOJSKOG KANTONA
n/r predsjedavajuće

PREDMET: Prijedlog Odluke o dopuni Odluke o obrazovanju Kolegija Skupštine
- dostavlja se

Na osnovu člana 33., a u vezi sa članom 152. Poslovnika Skupštine Zeničko-dobojskog kantona -Treći Prečišćeni tekst («Službene novine Zeničko-dobojskog kantona», broj: 14/18 i 18/18 isp.), u prilogu ovog dopisa, dostavljamo Vam Prijedlog Odluke o dopuni Odluke o obrazovanju Kolegija Skupštine, koji je na svojoj 11. sjednici održanoj dana 10.05.2019. godine utvrdila Komisija za izbor i imenovanja Skupštine.

S poštovanjem,

PRILOZI:

- Prijedlog Odluke o dopuni Odluke o obrazovanju Kolegija Skupštine,
- Dopis poslanika Omera Škalje i Samira Karahasanovića od 08.05.2019. godine, zaprimljen u Stručnoj službi Skupštine dana 09.05.2019. godine, protokolisan pod brojem: 01-01-775519, sa priloženom Odlukom o formiranju zajedničkog kluba poslanika u Skupštini Zeničko-dobojskog kantona
- Odluka o obrazovanju Kolegija Skupštine («Službene novine Zeničko-dobojskog kantona», broj: 17/18),
- Odluka o izmjenama Odluke o obrazovanju Kolegija Skupštine («Službene novine Zeničko-dobojskog kantona», broj: 2/19),
- Popunjen obrazac Izjave o fiskalnoj procjeni (Obrazac IFP NE)

DOSTAVLJENO:

1 x Naslovu,
1 x Predmet **11. sjednice Komisije/04-01**



PRIJEDLOG

Na osnovu člana 15. Poslovnika Skupštine Zeničko-dobojskog kantona–Treći Prečišćeni tekst («Službene novine Zeničko-dobojskog kantona», broj: 14/18 i 18/18 isp.), Skupština Zeničko-dobojskog kantona, na __ sjednici održanoj dana ____ 2019. godine, d o n i j e l a j e:

O D L U K U **o dopuni Odluke o obrazovanju Kolegija Skupštine**

Član 1.

(Dodavanje novog člana Kolegija)

U Odluci o obrazovanju Kolegija Skupštine („Službene novine Zeničko-dobojskog kantona“, broj: 17/18 i 2/19), iza tačke 12. dodaje se nova tačka 13., koja glasi:

13. Omer Škaljo-predsjednik Zajedničkog kluba poslanika

Član 2.

(Stupanje na snagu i objavljivanje)

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-_____/19
Datum, ____ 2019. godine
Z e n i c a

PREDSJEDAVALA

Amira Hadžić

OBRAZLOŽENJE

I-PRAVNI OSNOV

Pravni osnov za donošenje Odluke sadržan je u članu 15. Poslovnika Skupštine Zeničko-dobojskog kantona-Treći prečišćeni tekst («Službene novine Zeničko-dobojskog kantona», broj: 14/18 i 18/18 isp.), kojim je propisano da s ciljem unapređenja efikasnosti i usklađivanja rada, Skupština uspostavlja Kolegij Skupštine kojeg čine predsjedavajući i zamjenici predsjedavajućeg Skupštine, predsjednici klubova poslanika zastupljenih u Skupštini i predsjednici klubova naroda.

II-RAZLOZI ZA DONOŠENJE

Kolegij 8. saziva Skupštine Zeničko-dobojskog kantona obrazovan je Odlukom o obrazovanju Kolegija Skupštine, donesenom na drugom nastavku 1. Konstituirajuće sjednice 8. saziva Skupštine Zeničko-dobojskog kantona, održanom dana 29.11.2018. godine, koja je objavljena u „Službenim novinama Zeničko-dobojskog kantona“, broj: 7/18, koja je jednom izmjenjena Odlukom o izmjeni Odluke o obrazovanju Kolegija Skupštine, koja je objavljena u „Službenim novinama Zeničko-dobojskog kantona“, broj: 2/19.

Razlog za donošenje Odluke o dopuni Odluke o obrazovanju Kolegija Skupštine je dopis poslanika Omera Škalje i Samira Karahasanovića od 08.05.2019. godine, kojim obavijestavaju Komisiju za izbor i imenovanja o formiranju Zajedničkog kluba poslanika u Skupštini Zeničko-dobojskog kantona, koji je zaprimljen u Stručnoj službi Skupštine dana 09.05.2019. godine i protokolisan pod brojem: 01-01-775519, sa priloženom Odlukom o formiranju zajedničkog kluba poslanika u Skupštini Zeničko-dobojskog kantona. Priložena Odluka je donesena na osnovu Odluke o izmjeni Poslovnika Skupštine Zeničko-dobojskog kantona broj: 01-34-7542/19 koja je donesena na nastavku 7. sjednice Skupštine Kantona održane 07.05.2019. godine, a koja je stupila na snagu danom donošenja.

S obzirom da je navedenom Odlukom izmijenjen član 19. stav 6. Poslovnika Skupštine, te koji sada glasi: **“Poslanici jedne ili više političkih stranaka koje u Skupštini imaju najmanje jednog izabranog poslanika zajedno sa poslanikom odnosno poslanicima koji su se u toku trajanja mandata izjasnili da u daljem trajanju mandata u Skupštini djeluju kao samostalni poslanici, mogu formirati jedan zajednički klub”**, a da je Samir Karahasanović poslanik političke stranke, Stranke za BiH, koja u Skupštini ima samo jednog izabranog poslanika, te da je Omer Škaljo poslanik Skupštine koji se izjasnio da će u budućem trajanju mandata u Skupštini Kantona djelovati kao samostalni poslanik, to je Komisija za izbor i imenovanja, imajući u vidu navedenu Odluku i odredbu člana 15. stav 1. tačka b) Poslovnika Skupštine Zeničko-dobojskog kantona kojom se uređuje da Kolegij Skupštine, između ostalih, čine i predsjednici klubova poslanika zastupljenih u Skupštini, na svojoj 11. sjednici održanoj 10.05.2019. godine, utvrdila Prijedlog Odluke o dopuni Odluke o obrazovanju Kolegija Skupštine, kojom je u sastav Kolegij Skupštine predložen Omer Škaljo, predsjednik Zajedničkog kluba poslanika, nakon čega je pomenuti Prijedlog Odluke upućen u skupštinsku proceduru.

III-OBJAŠNJENJE PREDLOŽENIH RJEŠENJA

Članom 1. vrši se dopuna sastava Kolegija 8. saziva Skupštine Zeničko-dobojskog kantona dodavanjem još jednog novog člana, predsjednika Zajedničkog kluba poslanika.

Članom 2. propisuje se stupanje na snagu Odluke i njeno objavljivanje u “Službenim novinama Zeničko-dobojskog kantona”.

IV- FINANSIJSKA SREDSTVA

Za provođenje ove Odluke nisu potrebna dodatna finansijska sredstva, osim ranije planiranih budžetskih sredstava u Budžetu Kantona za 2019. godinu, imajući u vidu da će se novčana naknada za prisustvo sjednicama Kolegija za novog člana Kolegija, (predsjednika novog Kluba poslanika), finansirati sa budžetske pozicije Skupštine Kantona “Izdaci za komisije, zastupnike i druge samostalne djelatnosti”, na kojoj su planirana potrebna budžetska sredstva za navedenu namjenu do kraja 2019. godine.

KOMISIJA ZA IZBOR I IMENOVANJA


OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa		KOD	NAZIV	
		10010001	SKUPŠTINA KANTONA	
B 2. Osnovni podaci o prijedlogu propisa				
Vrsta propisa/akta	Zakon	NE	Odluka	Strategija
	Uredba	NE	Drugi akti	Drugi akti planiranja
Naziv propisa/akta				

C 3. Izjava o nepostojanju dodatnih fiskalnih efekata predloženog propisa

Donošenje Odluke o dopuni Odluke o obrazovanju Kolegija Skupštine neće imati fiskalne posljedice na Budžet za 2019. godinu u smislu obezbjeđivanja dodatnih budžetskih sredstava, osim ranije planiranih.

D 4. Pečat i potpis odgovornog lica obrađivača, odnosno predlagača propisa	Mjesto i datum
	Zenica, dana 10.05.2019. godine

04-01/09.05/19 1/4

OMER ŠKALJO – samostalni poslanik u Skupštini Zeničko-dobojskog kantona
SAMIR KARAHASANOVIĆ - poslanik u Skupštini Zeničko-dobojskog kantona

ZENIČKO-DOBOJSKI KANTON
SKUPŠTINA

- n/r predsjedavajućoj Skupštine
- KOLEGIJU SKUPŠTINE

Ⓞ KOMISIJI ZA IZBOR I IMENOVANJA

- Stručnoj službi Skupštine Zeničko-dobojskog kantona

SKUPŠTINA Zeničko-dobojskog kantona			
Primljeno: 09.05.2019.			
Org. jed.	Broj	Prilog	Vrijednost
01-01-	7755	1/9	

PREDMET: Obavijest o formiranju zajedničkog kluba poslanika u Skupštini Zeničko-dobojskog kantona

Ovim putem, mi gore imenovani poslanici Skupštine Zeničko-dobojskog kantona, obavještavamo Vas da smo dana 08.05.2019. godine formirali zajednički klub poslanika u Skupštini Zeničko-dobojskog kantona, u skladu sa članom 19. stav 6. Poslovnika Skupštine Zeničko-dobojskog kantona odnosno Odlukom o izmjeni Poslovnika Skupštine Zeničko-dobojskog kantona, broj: 01-34-7542/19 od 07.05.2019. godine, (koja je stupila na snagu danom donošenja).

Molimo vas da što prije poduzmete potrebne aktivnosti u cilju dopune Odluke o obrazovanju Kolegija Skupštine, čiji član bi trebao postati i predsjednik našeg zajedničkog kluba poslanika u Skupštini Zeničko-dobojskog kantona.

S poštovanjem,

PRILOG: - Odluka o formiranju zajedničkog kluba poslanika u Skupštini Zeničko-dobojskog kantona od 08.05.2019. godine

U Zenici, dana 08.05.2019. godine

POSLANICI SKUPŠTINE:


Omer Škaljo


Samir Karahasanović

Na osnovu člana 19. stav 6. Poslovnika Skupštine Zeničko-dobojskog kantona, odnosno Odluke o izmjeni Poslovnika Skupštine Zeničko-dobojskog kantona, broj: 01-34-7542/19 od 07.05.2019. godine, (koja je stupila na snagu danom donošenja), poslanici u Skupštini Zeničko-dobojskog kantona: **Samir Karahasanović**, kao poslanik jedne političke stranke koja ima jednog izabranog poslanika u Skupštini Zeničko-dobojskog kantona i **Omer Škaljo**, kao poslanik Skupštine Zeničko-dobojskog kantona koji u daljem trajanju mandata u Skupštini Zeničko-dobojskog kantona djeluje kao samostalni poslanik, dana 08.05.2019. godine, donose:

ODLUKU
o formiranju zajedničkog kluba poslanika
u Skupštini Zeničko-dobojskog kantona

I

Samir Karahasanović, kao poslanik jedne političke stranke koja ima jednog izabranog poslanika u Skupštini Zeničko-dobojskog kantona i **Omer Škaljo**, kao poslanik Skupštine Zeničko-dobojskog kantona koji u daljem trajanju mandata u Skupštini Zeničko-dobojskog kantona djeluje kao samostalni poslanik, ovom Odlukom formiraju zajednički klub poslanika u Skupštini Zeničko-dobojskog kantona.

II

Za predsjednika zajedničkog kluba poslanika imenuje se poslanik **Omer Škaljo**, a za zamjenika predsjednika zajedničkog kluba poslanika, imenuje se poslanik **Samir Karahasanović**.

III

Poslovníkom o radu zajedničkog kluba poslanika urediće se način rada kluba iz tačke I ove Odluke, a isti ne može biti u suprotnosti sa odredbama Poslovnika Skupštine Zeničko-dobojskog kantona.

IV

Odluka stupa na snagu danom donošenja.

PREDSJEDNIK KLUBA

Omer Škaljo

Zenica, dana 08.05.2019. godine

Dostavljeno:

- 1 x Predsjedavajućoj Skupštine Zeničko-dobojskog kantona
- 1 x Kolegiju Skupštine Zeničko-dobojskog kantona
- 1 x Komisiji za izbor i imenovanja Skupštine Zeničko-dobojskog kantona
- 1 x Stručnoj službi Skupštine Zeničko-dobojskog kantona
- 1 x a/a

529.

Na osnovu člana 15. Poslovnika Skupštine Zeničko-dobojskog kantona – Treći prečišćeni tekst («Službene novine Zeničko-dobojskog kantona», broj: 14/18), Skupština Zeničko-dobojskog kantona, na nastavku 1. Konstituirajuće sjednice 8. saziva, održanom 29.11.2018. godine, donijela je:

**ODLUKU
o obrazovanju Kolegija Skupštine**

**Član 1.
(Sastav Kolegija)**

Obrazuje se Kolegij 8. saziva Skupštine Zeničko-dobojskog kantona, u sljedećem sastavu:

1. **Ismet Sarajlić** - predsjedavajući Skupštine, predsjedavajući Kolegija,
2. **Sanja Renić** - zamjenica predsjedavajućeg Skupštine,
3. **Mladen Simić** - zamjenik predsjedavajućeg Skupštine, predsjednik Kluba poslanika Srba,
4. **Himzo Smajić** - predsjednik Kluba poslanika SDA-Stranke demokratske akcije,
5. **Jasminko Kapić** - predsjednik Kluba poslanika SDP- Socijaldemokratske partije BiH,
6. **Amela Granić** - predsjednica Kluba poslanika Nezavisnog bloka, Snage centra, HSBiH i Prve Stranke,
7. **Meldina Ugarak** - predsjednica Kluba poslanika SBB - Fahrudin Radončić,
8. **Ivo Tadić** - predsjednik Kluba poslanika HDZ BiH, HSS, HKDU BiH, HSP-HNS, HSP dr. AS BiH, HDU BiH, HSS SR,
9. **Edin Arnaut** - predsjednik Kluba poslanika Demokratske fronte,
10. **Amra Jupić** - predsjednica Kluba poslanika A-SDA za Evropsku BiH,
11. **Nusret Imamović** - predsjednik Kluba poslanika Bošnjaka,
12. **Vlasta Kalas** - predsjednica Kluba poslanika Hrvata.

Ukoliko je predsjednik kluba poslanika političke stranke, odnosno predsjednik kluba naroda odsutan, spriječen ili u nemogućnosti da prisustvuje sjednici Kolegija, na sjednici Kolegija ga zamjenjuje zamjenik predsjednika kluba.

**Član 2.
(Stupanje na snagu i objavljivanje)**

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-34-17600/18
Datum: 29.11.2018. godine
Zenica

PREDSJEDAVALAČI
Ismet Sarajlić, s.r.

530.

Na osnovu Amandmana XIX na Ustav Zeničko-dobojskog kantona («Službene novine FBiH», broj 7/96, «Službene novine Zeničko-dobojskog kantona», broj: 1/96, 10/00, 8/04 i 10/04) i člana 10. stav 3. Poslovnika Skupštine Zeničko-dobojskog kantona - Treći prečišćeni tekst («Službene novine Zeničko-dobojskog kantona», broj: 14/18), potvrđeni kandidati za mjesto predsjedavajućeg i/ili zamjenike predsjedavajućeg Skupštine Zeničko-dobojskog kantona, na sjednici održanoj 29.11.2018. godine, donijeli su:

**ODLUKU
o izboru predsjedavajućeg i zamjenika
predsjedavajućeg Skupštine Zeničko-dobojskog
kantona**

**Član 1.
(Izbor predsjedavajućeg Skupštine)**

Za predsjedavajućeg 8. saziva Skupštine Zeničko-dobojskog kantona izabran je **Ismet Sarajlić**.

**Član 2.
(Izbor zamjenika predsjedavajućeg Skupštine)**

Za zamjenike predsjedavajućeg 8. saziva Skupštine Zeničko-dobojskog kantona izabrani su **Sanja Renić** i **Mladen Simić**.

21.

Na osnovu Amandmana XXI na Ustav Zeničko-dobojskog kantona («Službene novine FBiH», broj: 7/96, «Službene novine Zeničko-dobojskog kantona», broj: 1/96, 10/00, 8/04 i 10/04) i člana 10. stav 2. Poslovnika Skupštine Zeničko-dobojskog kantona -Treći prečišćeni tekst («Službene novine Zeničko-dobojskog kantona», broj: 14/18 i 18/18 isp.), Skupština Zeničko-dobojskog kantona na 5. (hitnoj) sjednici održanoj dana 21.02.2019. godine, donijela je:

O D L U K U

o izmjenama Odluke o potvrđivanju prijedloga kandidata za mjesto predsjedavajućeg i/ili zamjenika predsjedavajućeg Skupštine

Član 1.

(Potvrđivanje novih prijedloga klubova naroda)

U Odluci o potvrđivanju prijedloga kandidata za mjesto predsjedavajućeg i/ili zamjenika predsjedavajućeg Skupštine («Službene novine Zeničko-dobojskog kantona», broj: 17/18), u članu 1. pod tačkom 1. riječi „Ismet Sarajlić“ zamjenjuju se riječima „Amira Hadžić“, a pod tačkom 2. riječi „Sanja Renić“ zamjenjuju se riječima „Ivo Tadić.“

Član 2.

(Stupanje na snagu i objavljivanje)

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-01-2530/19
Datum: 21.02.2019. godine
Zenica

PREDSJEDAVALAČA

Amira Hadžić, s.r.

22.

Na osnovu člana 15. Poslovnika Skupštine Zeničko-dobojskog kantona -Treći prečišćeni tekst («Službene novine Zeničko-dobojskog kantona», broj: 14/18 i 18/18 isp.) Skupština Zeničko-dobojskog kantona, na 5. (hitnoj) sjednici održanoj dana 21.02.2019. godine, donijela je:

O D L U K U o izmjenama Odluke o obrazovanju Kolegija Skupštine

Član 1.

(Izmjena sastava Kolegija)

U Odluci o obrazovanju Kolegija Skupštine («Službene novine Zeničko-dobojskog kantona», broj: 17/18) u članu 1. tačke 1., 2., 5., 8., 11. i 12. mijenju se i glase:

1. **Amira Hadžić** - predsjedavajuća Skupštine, predsjedavajuća Kolegija,
2. **Ivo Tadić** - zamjenik predsjedavajuće Skupštine,
5. **Rifat Delić** - predsjednik Kluba poslanika SDP-Socijaldemokratske partije BiH,
8. **Vedrana Dugonjić** - predsjednica Kluba poslanika HDZ BiH, HSS, HKDU BiH, HSP-HNS, HSP dr. AS BIH, HDU BIH, HSS SR,
11. **Sejad Zaimović** - predsjednik Kluba poslanika Bošnjaka,
12. **Andrej Kajić** - predsjednik Kluba poslanika Hrvata.

Član 2.

(Stupanje na snagu i objavljivanje)

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-01-2560/19
Datum: 21.02.2019. godine
Zenica

PREDSJEDAVALAČA

Amira Hadžić, s.r.